

也呂侶也萬物萌動於下未能達見故曰大呂所以配黃鍾助陽宣功也加十五日指午則陽氣極

故曰有四十六日而夏至音比黃鍾加十五日指丁則小暑音

比大呂加十五日指未則大暑音比太簇加十五日指背陽之

維則夏分盡故曰有四十六日而立秋涼風至音比夾鍾加十

五日指申則處暑音比姑洗加十五日指庚則白露降音比仲

呂加十五日指酉中繩故曰秋分雷戒蟄蟲北鄉音比蕤賓加

十五日指辛則寒露音比林鍾加十五日指戌則霜降音比夷

則加十五日指號通之維則秋分盡故曰有四十六日而立冬

草木畢死音比南呂加十五日指亥則小雪音比無射加十五

日指壬則大雪音比應鍾加十五日指子故曰陽生於子陰生

道藏輯要

淮南鴻烈解

罕

虛集六
又上文

於午陽生於子故十一月日冬至鵲始加巢人氣鍾首陰生於

午故五月為小刑薺麥亭歷枯冬生草木必死斗杓為小歲斗

一星至第四為魁第五至第七為杓也正月建寅月從左行十二辰咸池為太歲

二月建卯月從右行四仲終而復始太歲迎者辱背者強左者

衰右者昌小歲東南則生西北則殺不可迎也而可背也不可

左也而可右也其此之謂也大時者咸池也小時者月建也天

維建元常以寅始起右徙一歲不移十二歲而大周天終而復

始

天文訓下

淮南元年冬太一在丙子冬至甲午立春丙子

淮南王作書之元年也一日淮

南王長孝文帝異母弟也僭號自稱東帝以徒嚴道道死於
雍其四子皆為列侯時人歌之曰一尺繒好童童一升粟飽蓬
蓬兄弟二人不能相容文帝聞之曰以我為利其土耶皆
各四侯而王之是則淮南王安即位之元年以紀時也 二陰

一陽成氣二二陽一陰成氣三陰粗拙故得氣少陽精微故得氣多一說上得二下得三合為

五故曰合氣而為音音數五也合氣而為音合陰而為陽合陽而為律故曰五

音六律音自倍而為日律自倍而為辰故日十而辰十二月日

行十三度七十六分度之二十六六或作八二十九日九百四十分

日之四百九十九而為月而以十二月為歲歲有餘十日九百

四十分日之八百二十七故十九歲而七閏日冬至子午夏至

卯酉冬至加三日則夏至之日也冬至後三日則明年夏至之日歲遷六日終

而復始遷六日今年以子冬至後年以午冬至也壬午冬至甲子受制木用事火煙

道藏輯要

淮南鴻烈解

望

虛集六

青木色青也東方七十二日丙子受制火用事火煙赤火色赤也南方七十二

日戊子受制土用事火煙黃土中央其色黃七十二日庚子受制金用

事火煙白西方金其色白七十二日壬子受制水用事火煙黑北方水其色黑

七十二日而歲終庚子受制歲遷六日以數推之七十歲而復

至甲子甲子受制則行柔惠挺羣禁開闔扇通障塞毋伐木甲木

也木王東方故施柔惠蟄伏之類出由戶故開闔扇通障塞春木王故毋伐木也丙子受制則舉賢良

賞有功立封侯出貨財火用事象陽明識功戊子受制則養老

鰥寡行糲鷲施恩澤土用事象土長庚子受制則繕牆垣脩城

郭審羣禁飾兵甲做百官誅不法金用事象金斷割壬子受制

則閉門閭大搜客禁舊客出新客斷刑殺當罪息關梁禁外徙水用事象

冬閉固故 甲子氣燥濁丙子氣燥陽戊子氣濕濁庚子氣燥寒

禁外徙也 壬子氣清寒丙子干甲子蟄蟲早出木氣温故早出 故雷早行戊子干

甲子胎天卵鰥鳥蟲多傷庚子干甲子有兵壬子干甲子春有

霜戊子干丙子霆庚子干丙子夷夷傷也夷或電 壬子干丙子雹甲子

干丙子地動庚子干戊子五穀有殃壬子干戊子夏寒雨霜甲

子干戊子介蟲不為不成為介蟲也 丙子干戊子大旱菘封燠菘蔣草也生水

土相連持大如蒲者也名曰封旱燥故燠也 壬子干庚子大剛魚不為不成為魚 甲子干

庚子草木再死再生丙子干庚子草木復榮今八月九月時李奈復榮生實是也

戊子干庚子歲或存或亡甲子干壬子冬乃不藏不藏地氣發也 丙子

干壬子星墜墜隕 戊子干壬子蟄蟲冬出其鄉庚子干壬子冬雷

道藏輯要 淮南鴻烈解 望 虛集六

其鄉季春三月豐隆乃出以將其雨豐隆雷也 至秋三月季秋 地氣

不藏乃收其殺百蟲蟄伏靜居閉戶殺氣 青女乃出以降霜雪青女

天神青玉女主霜雪也 行十二時之氣以至於仲春二月之夕乃收其藏

而閉其寒收斂其所藏而閉之 女夷鼓歌以司天和以長百穀禽鳥草木

女夷主春夏長養之神也 孟夏之月以熟穀禾雉鳴長鳴為帝侯歲雄鳴蓋布穀也

是故天不發其陰則萬物不生地不發其陽則萬物不成天圓

地方道在中央日為德月為刑月歸而萬物死日至而萬物生

遠山則山氣藏遠水則水蟲蟄遠木則木葉槁日五日不見失

其位也聖人不與也與猶說也 日出於暘谷浴於咸池拂於扶桑是

謂晨明拂猶過一日至 登於扶桑爰始將行是謂朏明朏明將明也朏讀若朏諾臯之

也也至於曲阿是謂旦明旦平至於曾泉是謂蚤食至於桑野是謂

晏食至於衡陽是謂隅中至於昆吾是謂正中昆吾邱在南方至於鳥

次是謂小還鳥次西南之山名也鳥所宿止至於悲谷是謂鋪時悲谷西南方之大壑言其

深峻臨其上令人悲思故曰悲谷也至於女紀是謂大還女紀西北陰地至於淵虞是謂

高春淵虞地名高春時如成民確春時也至於連石是謂下春連石西北山名也言將欲冥下象悉

春故曰下春連讀腐爛之爛也至於悲泉爰止其女爰息其馬是謂縣車至於

虞淵是謂黃昏至於蒙谷是謂定昏蒙谷北方之山名也盧敖所見若上之所也日

入於虞淵之汜曙於蒙谷之浦曙明浦涯行九州七舍有五億萬七

千三百九里自陽谷至虞淵凡十六所為九州七舍也禹以為朝晝昏夜夏日至則

陰乘陽是以萬物就而死冬日至則陽乘陰是以萬物仰而生

道藏輯要 淮南鴻烈解 聖 虛集六

晝者陽之分夜者陰之分是以陽氣勝則日脩而夜短陰氣勝

則日短而夜脩帝張四維運之以斗運旋也月徙一辰復反其所

正月指寅十二月指丑一歲而匝終而復始指寅則萬物蟄動蟄動

生貌律受太族太族者族而未出也指卯卯則茂茂然律受夾鍾

夾鍾者種始莢也指辰辰則振之也律受姑洗姑洗者陳去而

新來也指巳巳則生已定也律受仲呂仲呂者中充大也指午

午者忤也律受蕤賓蕤賓者安而服也指未未昧也律受林鍾

林鍾者引而止也指申申者呻之也律受夷則夷則者易其則

也德以去矣指酉酉者飽也律受南呂南呂者任包大也指戌

戌者滅也律受無射無射入無厭也指亥亥者闋也律受應鍾

應鍾者應其鍾也指子子者茲也律受黃鍾黃鍾者鍾已黃也指丑丑者紐也律受大呂大呂者旅旅而去也其加卯酉則陰陽分日夜平矣故曰規生矩殺衡長權藏繩居中央爲四時根道曰規始於一一而不生故分而爲陰陽陰陽合和而萬物生故曰一生二二生三三生萬物天地三月而爲一時故祭祀三飯以爲禮喪紀三踊以爲節兵重三罕以爲制以三參物三三如九故黃鍾之律九寸而宮音調調和也因而九之九九八十一故黃鍾之數立焉黃者土德之色鍾者氣之所種也日冬至德氣爲土土色黃故曰黃鍾律之數六分爲雌雄故曰十二鍾以副十二月十二各以三成故置一而十一三之爲積分七十萬

道藏輯要

淮南鴻烈解

器

虛集六
X 頁上

七千一百四十七黃鍾大數立焉凡十二律黃鍾爲宮太簇爲商姑洗爲角林鍾爲徵南呂爲羽物以三成音以五立三與五如八故卵生者八竅律之初生也寫鳳之音故音以八生黃鍾爲宮宮者音之君也故黃鍾位子其數八十一主十一月下生林鍾林鍾之數五十四主六月上生太簇太簇之數七十二主正月下生南呂南呂之數四十八主八月上生姑洗姑洗之數六十四主三月下生應鍾應鍾之數四十二主十月上生蕤賓蕤賓之數五十七主五月上生大呂大呂之數七十六主十二月下生夷則夷則之數五十一主七月上生夾鍾夾鍾之數六十八主二月下生無射無射之數四十五主九月上生仲呂仲

呂之數六十主四月極不生徵生宮宮生商商生羽羽生角角

生姑洗姑洗生應鍾比於正音故為和應鍾十月也與正音比故為和和從聲也一曰

和也應鍾生蕤賓不比正音故為繆日冬至音比林鍾浸以濁日

夏至音比黃鍾浸以清以十二律應二十四時之變甲子仲呂

之徵也丙子夾鍾之羽也戊子黃鍾之宮也庚子無射之商也

壬子夷則之角也古之為度量輕重生乎天道黃鍾之律脩九

寸物以三生三九二十七故幅廣二尺七寸古者幅比皆然也音以八

相生故人脩八尺尋自倍故八尺而為尋有形則有聲音之數

五以五乘八五八四十故四丈而為匹匹者中人之度也一匹

而為制秋分藁定藁定而禾熟藁禾穗粟乎甲之芒也定者成也故禾熟讀如詩有貓有虎之

道藏輯要 淮南鴻烈解 望 虛集六

貓古文律之數十二故十二藁而當一粟十二粟而當一寸律作秒也以當辰音以當日日之數十十從甲至癸日故十寸而為尺十尺而為

丈其以為量十二粟而當一分分言其輕重分銖也十二分而當一銖十

二銖而當半兩衡有左右因倍之故二十四銖為一兩天有四

時以成一歲因而四之四四十六故十六兩而為一斤三月而

為一時三十日為一月故三十斤為一鈞四時而為一歲故四

鈞為一石其以為音也一律而生五音十二律而為六十音因

而六之六六三十六故三百六十音以當一歲之日故律歷之

數天地之道也下生者倍以三除之上生者四以三除之鍾律上下

相生誘不敏也太陰元始建於甲寅一終而建甲戌二終而建甲午三

終而復得甲寅之元歲徙一辰立春之後得其辰而遷其所順
前三後五百事可舉前後太陰之前後也太陰所建蟄蟲首穴而處鵲巢

鄉而為戶太陰在寅朱鳥在卯勾陳在子玄武在戌白虎在酉

蒼龍在辰寅為建卯為除辰為滿巳為平主生午為定未為執

主陷申為破主衡酉為危主杓戌為成主少德亥為收主大德

子為開主太歲丑為閉主太陰在寅歲名曰攝提格其雄為歲

星舍斗牽牛以十一月與之晨出東方東井輿鬼為對太陰在

卯歲名曰單闕單讀明楊之明歲星舍須女虛危以十二月與之晨出

東方柳七星張為對太陰在辰歲名曰執徐歲星舍營室東壁

以正月與之晨出東方翼軫為對太陰在巳歲名曰大荒落歲

道藏輯要

淮南鴻烈解

巽

虛集六
80x

星舍奎婁以二月與之晨出東方角亢為對太陰在午歲名曰

啟祥歲星舍胃昂畢以三月與之晨出東方氏房心為對太陰

在未歲名曰協洽歲星舍猪雉參以四月與之晨出東方尾箕

為對太陰在申歲名曰涒灘歲星舍東井輿鬼以五月與之晨

出東方斗牽牛為對太陰在酉歲名曰作鄂作讀昨歲星舍柳七

星張以六月與之晨出東方須女虛危為對太陰在戌歲名曰

闓茂歲星舍翼軫以七月與之晨出東方營室東壁為對太陰

在亥歲名曰大淵獻歲星舍角亢以八月與之晨出東方奎婁

為對太陰在子歲名曰困困讀羣歲星舍氏房心以九月與之晨

出東方胃昂畢為對太陰在丑歲名曰赤奮若歲星舍星箕以

十月與之晨出東方觜雋參爲對太陰在甲子刑德合東方宮
常徙所不勝合四歲而離離十六歲而復合所以離者刑不得
入中宮而徙於木太陰所居曰德辰爲刑德綱曰自信因柔曰
徙所不勝刑水辰之木木辰之水金火立其處凡徙諸神朱鳥
在太陰前一鉤陳在後三玄武在前五白虎在後六虛星乘鉤
陳而天地襲矣襲和也凡日甲剛乙柔丙剛丁柔以至於癸木生
於亥壯於卯死於未三辰皆木也火生於寅壯於午死於戌三
辰皆火也土生於午壯於戌死於寅三辰皆土也金生於巳壯
於酉死於丑三辰皆金也水生於申壯於子死於辰三辰皆水
也故五勝生一壯五終九五九四十五故神四十五日而一徙

道藏輯要

淮南鴻烈解

聖

虛集六

以三應五八徙而歲終凡用太陰左前刑右背德擊鉤陳之衝
辰以戰必勝以攻必克欲知天道以日爲主六月當心左周而
行分而爲十二月與日相當天地重襲後必無殃星正月建營
室二月建奎婁三月建胃星宜言日明堂月令孟春之月日在
營室仲春之月在奎婁季春之月在胃此言星正月建
營室字之誤也四月建畢五月建東井六月建張七月建翼
八月建亢九月建房十月建尾十一月建牽牛十二月建虛
星分度角十二亢九氏十五房五心五尾十八箕十一四分一
斗二十六牽牛八須女十二虛十危十七營室十六東璧九奎
十六婁十二胃十四昴十一畢十六觜雋二參九東井三十輿
鬼四柳十五七星張翼各十八軫十七凡二十八宿也

星部地名角亢鄭氏房心宋尾箕燕斗牽牛越須女吳虛危齊
營室東壁衛奎婁魯胃昂畢魏觜雉參趙東井輿鬼秦柳七星
張周翼軫楚歲星之所居五穀豐昌其對為衝歲乃有殃當居
而不居越而之他處主死國亡太陰治春則欲行柔惠溫涼

仁也故太陰治夏則欲布施宣明火德陽也故太陰治秋則欲

柔涼也脩備繕兵金德斷割太陰治冬則欲猛毅剛彊純陰閉固水澤

三歲而改節六歲而易常故三歲而一饑六歲而一衰十二歲

一康康盛也甲齊乙東夷丙楚丁南夷戊魏己韓庚秦辛西夷壬

衛癸越子周丑翟寅楚卯鄭辰晉己衛午秦未宋申齊酉魯戌

趙亥燕甲乙寅卯木也丙丁巳午火也戊己四季土也庚辛申

道藏輯要 淮南鴻烈解 巽 虛集六

酉金也壬癸亥子水也水生木木生火火生土土生金金生水

子生母曰義母生子曰保子母相得曰專母勝子曰制子勝母

曰困以勝擊殺勝而無報以專從事而有功以義行理名立而

不墮以保畜養萬物蕃昌以困舉事破滅死亡北斗之神有雌

雄十一月始建於子月從一辰雄左行雌右行五月合午謀刑

十一月合子謀德太陰所居辰為厭日厭日不可以舉百事堪

輿徐行雄以音知雌故為奇辰數從甲子始子母相求所合之

處為合十日十二辰周六十日凡八合合於歲前則死亡合於

歲後則無殃甲戌燕也乙酉齊也丙午越也丁巳楚也庚申秦

也辛卯戎也壬子代也癸亥胡也戊戌己亥韓也己酉己卯魏

也戊午戊子八合天下也太陰小歲星日辰五神皆合其日有
 雲氣風雨國君當之天神之貴者莫貴於青龍或曰天一或曰
 太陰太陰所居不可背而可鄉北斗所擊不可與敵天地以設
 分而為陰陽陽生於陰陰生於陽陰陽相錯四維乃通或死或
 生萬物乃成蚊行喙息莫貴於人孔竅肢體皆通於天天地九
 重人亦有九竅天有四時以制十二月人亦有四肢以使十二
 節天有十二月以制三百六十日人亦有十二肢以使三百六
 十節故舉事而不順天者逆其生者也以日冬至數來歲正月
 朔日五十日者民食足不滿五十日日減一斗有餘日日益一
 升有其歲司也

道藏輯要

淮南鴻烈解

巽 虛集六

并車 丁未水

重 丙午火

重 乙巳金

參 丙午火
參 庚辰金
參 乙巳金

亥木生室

子水壯危

丑金老須女

辰木老
 卯木壯
 甲辰木

攝提格之歲格起言萬物承陽而起也歲早水晚旱稻疾蠶不登登成也菽麥

昌民食四升寅在甲曰闕達言萬物鋒芒欲出擁遏未通故曰闕達也

單闕之歲單盡闕止也言陽氣推萬物而起陰氣盡止也歲和稻菽麥蠶昌民食五升

卯在乙曰旃蒙在乙言蒙物過蒙甲而出故曰旃蒙也

執徐之歲執蟄徐舒也言伏蟄之物皆散舒而出也歲早早晚水小饑蠶閉麥熟民

食三升辰在丙曰柔兆在丙言萬物皆生枝布葉故曰柔兆也

大荒落之歲荒大也方萬物熾盛而大出霍然落落大布散歲有小兵蠶小登麥昌菽

疾民食二升巳在丁曰強圉在丁言萬物剛盛故曰強圉也

啟祥之歲言萬物皆盛壯也歲大旱蠶登稻疾菽麥昌禾不為

民食三升午在戊曰著離在戊言位在中央萬物繁養四方故曰著離也

道藏輯要

淮南鴻烈解

辛 虛集六

協洽之歲協和洽合也言陰欲化萬物和合也言陰歲有小兵蠶登稻昌菽麥不為民

食三升未在巳曰屠維在巳言萬物各成其性故曰屠維屠別維離也

涿灘之歲涿大灘脩也言萬物皆脩其精氣也歲和小兩行蠶登菽麥昌民食三

升申在庚曰上章在庚言陰氣上升萬物畢生故曰上章也

作鄂之歲作鄂零落也歲有大兵民疾蠶不登菽麥不為禾蟲

民食五升酉在辛曰重光在辛言萬物就成熟其煌煌故曰重光也

掩茂之歲掩蔽茂昌言萬物皆蔽昌歲小饑有兵蠶不登麥不為昌民食七

升戌在壬曰玄黓在壬言歲終包任萬物故曰玄黓也

大淵獻之歲淵藏獻迎也言萬物終於小深藏窟伏以迎陽歲有大兵大饑蠶開菽

麥不為禾蟲民食三升

因敵之歲

因混敵沌也言陽氣皆混沌萬物萌孽也

歲大霧起大水出蠶稻菽麥昌

民食三斗子在癸日昭陽

在癸言陽氣始萌萬物含生故曰昭陽

赤奮若之歲

奮起也若順也言陽奮物而起之無不順其性也赤陽色

歲有小兵旱水蠶不出稻疾菽不為麥昌民食一升

出稻疾菽不為麥昌民食一升

正朝

一作月

夕先樹一表東方操一表却去前表十步以參望日

始出北廉日直入又樹一表於東方因西方之表以參望日入

北廉則定東方兩表之中與西方之表則東西之正也日冬至

日出東南維入西南維至春秋分日出東中入西中夏至出東

北維入西北維至則正南欲知東西南北廣袤之數者立四表

以為方一里距先春分若秋分十餘日從距北表參望日始出

道藏輯要

淮南鴻烈解

至

虛集六

及旦以候相應相應則此與日直也輒以南表參望之以入前表數為法除舉廣除立表袤以知從此東西之數也假使視日出入前表中一寸是寸得一里也一里積萬八千寸得從此東萬八千里視日萬人前表半寸則半寸得一里半寸而除一里積寸得三萬六千里除則從此西里數也并之東西里數也則極徑也未春分而直已秋分而不直此處南也未秋分而直已春分而不直此處北也分至而直此處南北中也從中處欲知中南也未秋分而不直此處南北中也從中處欲知南北極遠近從西南表參望日日夏至始出與北表參則是東與東北表等也正東萬八千里則從中北亦萬八千里則從中北亦萬

八千里也倍之南北之里數也其不從中之數也以出入前表之數益損之表八一寸寸減日近一里表出一寸寸益遠一里欲知天之高樹表高一丈正南北相去千里同日度其陰北表二尺南表尺九寸是南千里陰短寸南二萬里則無景是直日下也陰二尺而得高一丈者南一而高五也則置從此南至日下里數因而五之爲十萬里則天高也若使景與表等則高與遠等也

地形訓上

紀東西南北山川數澤地之所載萬物形兆所化育也故形因以題篇

地形之所載六合之間四極之內六合已說在正道四極四方之極無夏有外故謂之內也昭之以日月經之以星辰紀之以四時要之以太歲要正也以

道藏輯要

淮南鴻烈解

卷

虛集六

正天天地之間九州八極八極八方土有九山山有九塞澤有

九藪風有八等水有六品何謂九州東南神州曰農土東南辰焉農祥

后稷之所經緯也故曰農土也正南次州曰沃土沃盛也五月建午稼穡盛張故曰沃上也西南戎

州曰滔土滔大也七月建申五穀成大故曰滔土也正西兗州曰并土并猶成也八月建酉百穀

成熟故曰正中冀州曰中土冀大也四方之主故曰中土也西北台州曰肥土

正北濟州曰成土未聞東北薄州曰隱土薄猶平也隱氣所隱藏故曰隱土也正東

陽州曰申土申復也陰氣盡於北陽氣復起東北故曰申土何謂九山會稽泰山王屋

首山太華岐山太行羊腸孟門會稽山在會稽郡泰山今在泰山郡是爲東岳王屋山在今河

東恒縣東北所出也首山在蒲坂縣南阿曲之中伯夷所隱太華今弘農陰山也是爲西岳岐山今扶風漢陽縣北周家所邑也太行在今上黨太行關直河內野王縣是也羊腸山名也說苑曰桀之居左河濟右太華伊闕在其南羊腸在其北今太原